

心燈錄

狄平子題

心

甲戌槐序

金鎧

金錄

長水余了翁署



心燈錄

公元一九九二

佛历二五三六年冬印伍千册

印行者 上海佛学书局

地址 常德路四一八号

邮编 二〇〇〇四〇

印刷者 上海场南印刷厂

上海市新闻出版局准印证九二第一六一号

心燈錄序

夏日午余夢陟嵩嶽之巔見老翁坐蟠松之頂眉長三寸許分披兩鬢角開目黑白分明謂余曰子何來遲也余笑應曰未與翁期何以云遲翁亦笑頃正色謂余曰心燈可作矣余應之曰世有五燈已傳於世又聞有心燈錄之名而未見其書今云心燈可作惟翁示之翁曰劫有遷流道有隱顯在人立言以爲砥柱世卽有心燈錄亦往矣未必能救今日之弊也數當子作毋辭余曰遷流砥柱乃余素志何敢云辭但異道邪辭淺見薄識錮蔽人心歲時已久今執筆立言破其所非則犯忌諱生彼之嗔殊可憐憫翁曰欲明斯道當極力掀翻若以忌諱爲言則何能大章明著而迴萬世之真心我知子有權書然未盡言其所自而使人人立於光天化日之下不致有異說也當作心燈不須文祇要直說維持斯道維持世教珍重珍重毋怠毋怠言已伸右臂長丈餘掌余面而覺時

康熙乙未五十四年夏五月五日也上元湛愚老人記夢

心燈錄卷一

上元湛愚老人

客問於余曰子錄名心燈何以謂之心燈也答曰心者我也卽常住真心也十方如來與大地一切衆生總在此常住真心中行住坐臥自無始至今當下並無一刻能離惟悟者則爲如來迷者則爲衆生非有甚奇異也既有此常住本體則自然有無量光明無量作用皆從此常住真心發現自然而不用修學本有此心本有此燈悟者不增迷者不減然一迷一悟則有如來衆生之不同可不畏耶可不亟亟以求悟耶

心卽我也我卽心也非我有此心也我有此心則心與我有二矣人當起念時認以爲心要知念有生滅常住真心豈有生滅既常住真心無有生滅則其光明普照亦無有生滅自無始至今照見諸佛成佛照見一切衆生輪轉此能照

之心人人皆具。非今衰古盛。智有愚。無余作心燈。特以表衆人之具足者。爾人皆不信自家心燈。光明惟恨散亂昏沈。兩魔滋擾。然當散亂昏沈之時。你能知散亂昏沈。你又恨這不是心燈。是甚麼能於此識得。則心燈何嘗一刻離汝。乃汝自迷之也。

人皆信諸佛具心燈。普照三千大千世界。不信自家心燈。亦照三千大千世界。且不必遠舉。卽以日用論。那一事混得過你。自開目掀被穿衣澡面。孔嚼楊木。問時問陰。應酬往來。朝飯暮飲。至於晏息。是誰之力。乃能如此。要知此卽心也。卽心之燈也。合而言之。卽我也。設名之曰心燈。也能悟此。我則彼三千大千之境之事。安能出我毛孔。今人說到心燈。蓋謂心有光明。都推向佛邊。甘心自居昏暗。殊可悲憫。竟不知自家時時在光明中。桃之紅。李之白。你何曾錯認。夜之黑。晝之明。你何曾誤言。至於目見耳聞。凡一切無不安妥。若不是佛誰能爲此。

而竟甘心自棄何也

佛與衆生同此一我同此一心同此一燈不可說佛能圓滿而衆生不能圓滿。要知皆同一圓滿祇在承當不承當而已。悟則不能不承當。迷則不敢承當。上智能自悟去其餘則賴善知識發明發明只在當下一言兩語便見端的何必盡日絮叨。

斯道本來現成不用求不用學。無你用心處。一有用心處則遠之又遠矣。愈用心愈遠。若當下一歇便是祇想正歇之時諸念皆空。當此諸念皆空之時有一明明不空者而知諸念之空。這是個甚麼可以大悟矣。

昔世尊下降王宮而曰天上天下惟吾獨尊。乃是指出生字。吾者我也。人人皆有此我。皆可獨尊。獨之云者。我乃心王。我乃諸法之王。我乃八萬四千陀羅尼大總持。凡一切法皆出自心王。皆出自我。故我爲獨尊也。非世尊獨謂自家獨。

尊於天。上天下也。下降卽指出我乃心法之王。要人向我求。我悟不向一切法求。一切心求。故後發明心法。雙忘乃能獨契。人能于此悟得。始知現成之不可錯用心也。

天上天下還有甚麼至寶高於我者否。靈於我者否。光明於我者否。智慧辯才神通過於我者否。豈不無比無儔。獨尊獨貴。且是本來現成。不煩汝修。不要求祇要悟。遇善知識當下便可發明。便可悟去。不過明此一我而已。有何難哉。而求此者如登天之難。甚至十年二三十年還屹屹自蔽。此何故也。諸方無善知識。故也以盲引盲。何日得了。悲夫。

自無始以來祇有一我。生天生地。生萬物。生佛生衆生。並無物能生此我者。故此我無所從來。既無所來。則無所去。在古在今。鎮然一我而已。人能一悟此我。則入爲恆河沙佛中之一佛。豈不快哉。

自世尊云惟吾獨尊以後惟臨濟公大聲疾呼曰說法道人聽法道人無依道人無事道人至於今日我獨出而告人曰惟有一我試問諸君子是同是別經又云不汝還者非汝而誰誌公云祇者而今誰動口古德云只這心心是佛學者問大珠如何是佛答曰清談對面者是又古德云你卽是佛馬祖云卽心卽佛仰山云祇有慧寂又古德云百年三萬六千朝反復元來是這漢經教語句分明指出者甚衆茲略舉數則可以信此我無疑矣

自惟吾獨尊一語後述而表章于世者寥寥無幾被雲門打後竟無有言之者雲門之意蓋謂人人皆有此我何以獨尊有獨尊者則天下不太平矣此是報佛深恩然能明此獨尊者自然太平何必勞雲門之打祇因此一打後學者絕口總不提起竟將此迅疾慈航一刻千里者推向開去盲却多少人眼目爲報佛恩乎爲背佛恩乎四十九年所說陀羅尼無算吾人於今日當擇其直指者

直示後學。始是擔荷斯道。俟其有所入。方可鞭策加逼。不可一味任性亂統。才是先佛慈悲。余於雲門獨有憾。不識有諒余者否。

余常想世尊四十九年所說之法。真可謂婆心極矣。惟有獨尊一語。惟臨濟公能繼之。直指與人當下。卽佛孰有能以之者乎。而後人絕口不言。余不能解其何故也。試問千七百語句。有能如此直指者否。或曰。後代反說側說。或遠引。或近譬。要引人起疑。自悟。非可一概直指。惟此等說一出。將明明白白。光天化日之下。弄成一箇風雲世界。初祖西來直指之意。爲何乃竟置世尊之言于東流耶。

臨濟公說法。道人聽法。道人無依。道人無事。道人是諸佛之母等語。一說再說。又說又說。反復叮嚀。而後代亦絕口不言者。余更不解其爲何故也。難道直指反不足重。而旁敲側引。爲足重耶。震旦在達摩前。都是漸修漸悟之學。後西來

直指才有大乘之器初祖之言具在試問能愈於獨尊之直指乎能愈於說法道人等之直指乎善學者可以參而悟矣

十法界內只有一我因有此我纔造出十法界來所以此我乃萬物之祖並無有主此我者黃檗公云祇此一心法更無別法悟此心法則萬法皆爲我驅使順之逆之左之右之十法界內任我遊行大矣哉此我也其名甚多其號甚繁卽以楞嚴論惟我始能當大佛頂三字惟我纔謂之密因在我上修證纔謂之修證惟我本來大定惟我本來了義不須用了惟我乃正三摩提惟我乃性覺妙明本覺明妙惟我乃常住真心惟我乃含裹十方不識此我而攀緣識神者入五十陰魔不能全識此我而因法以漸修者入四十五聖位要知當下一悟此我卽跨過四十五聖位而况彼陰魔敢當吾意哉以楞伽論我卽楞伽寶山天下至貴之寶皆在此歷歷孤明之我煊赫虛空之我本來無一物之我之內

生出此我本有無師智本有自然智本有自覺聖智本有一切智本有八萬四千陀羅尼智本有大圓鏡智本有平等性智本有妙觀察智本有成所作智本有百八問答如倒瓶注水本有虛無罔象微細精想識藏卽眞如來藏以般若論我本無二我本無礙本具一切大智大慧不用修習本能照察一切滿三千大千世界之物之境俱不能逃其所照以法華論卽我卽法卽我卽華惟此我乃佛大事因緣惟此我乃至眞至實其餘皆非惟此我入火宅而不焚惟此我乃能掃除糞草惟此我卽大白牛車惟此我乃可蒙佛受記其不識我而紛紛退席者五千人皆流落異方深可憐憫以華嚴論此我卽法身法身純眞立法界純眞發一切想純眞得報身化身純眞具三十二相八十種好純眞金蓮花座殿閣樓臺及一切華一切雲一切香一切莊嚴純眞發一切願行具差別智純眞以金剛論此我本無所住本生其心本離一切相本清淨本住實相本無

來去本如如不動本是一位勿形段金剛大士本是一無位真人以圓覺論此我本圓覺本能建立一切本能隨順覺性本能答十二菩薩所問本能悉三等層次或先或後輪轉所修本能知三千大千世界佛國淨土天堂地獄亂起亂滅以大集論此我入染不染入淨不淨集一切法無不融通如太虛包含萬象而終古自若也以寶積論此我無法不積則無善不積無善不積則無寶不積六根六識六塵無不混合爲一而善法充滿布施無有窮盡孰有能如此我者乎以涅槃論此我則涅槃而不生槃而不滅包藏一切法咸安於祕密孰能窺其朕兆乎以淨名論此我在在無非道場喜怒哀樂於性情行住坐臥於日用我卽道場道場卽我茲略舉數經推諸大藏一經一句一字一義無不是我之所爲也則是我也安可忽乎哉或曰金剛云我相老人極力言我毋乃與經義相違乎答曰我本無相經云我相乃教人不可以我著相也金剛教人不可以此

身爲我而執著之此身屬幻非真有生有死此我則真而非幻故不生不滅圓覺云諸幻皆滅非幻不滅是也又云證悟了覺此四相在心上論人我衆生壽者此四相在身上論外不可著此幻身之四相內不可著此幻心之四相我之極力言我者乃無相之我本來之故我也若著此身而爲我則人與衆生壽者相因而著矣若因證而言我則悟與了覺相因而著矣要知此我本來無證無悟無了無覺無身無人無衆生無壽者所以六祖云本來無一物果能悟得本來無一物此我纔覲面纔謂之真我非彼幻身幻心之假我也

經教千途異說不過明此一我能明此一我則千途異說皆歸於我皆出於我此我乃如來衆生皆有之我所謂是法平等無有高下是法卽此我也旣云無有高下則無相可著矣問曰心經之義可得聞乎曰可心經云者心卽我也如云我之心加一之字則二之矣經卽我之言也首言觀自在三字的_是世尊傳

心要訣。非他經可比。妙不容言。眞所謂一超直入。不必另有所說。人能悟此諸經皆通。此是西來經教第一了義。自者我也。自有生以來。此我不在腔子內久矣。總在一切嗜欲。或東或西。熙熙攘攘。造諸惡業。墮落三途。或迴心向善。造諸善業。生彼天上。或迴心向道。執法無生。此皆不知有我者也。世尊憐憫衆生。爲吾人提出一自字。猶如寒後春雷。扶桑紅日。使吾人于九淵之下。躍出於九天之上。得知此我何幸如之。今旣知有此我矣。不過爲往昔習氣所染。今時時以我觀我。常常在此。而不在彼。往昔所游之地。則自然成佛無疑。卽今日能觀已是菩薩。何況將來。故曰觀自在菩薩。今日能觀卽是我之智慧般若。卽是智慧梵音也。只要觀自在。功夫綿密。卽是我之妙行。全要深久時節。若至自然。登於道岸。故曰波羅密多。而照見五蘊非眞。皆是空妄向也。我被五蘊錮蔽。生一切苦厄。深可憐憫。今皆度却。毫無障礙。復還此我。此我卽舍利子也。舍者家也。卽

此身也。身者我之家也。我居此身中。爲五蘊所蔽。時時障礙。念念障礙。事事障礙。處處障礙。蓋爲自有生以來。攀緣五蘊。故也要知。這我本來無往不通。無往不徹。無往不利。直與十方諸佛。毫無有異。故世尊直呼我之名曰舍利子。子卽我也。遂曰。汝向也著於色相。豈知色本空也。乃爲一切著色相之凡夫。說又曰。汝向也因離色而著於空相。豈知空猶色也。乃爲一切著空相之小乘。說凡夫與小乘。皆不知有我。故著色著空。殊不知色卽是空空。卽是色也。彼受想行識。亦復如是。遂又再呼我之名曰此舍中。無往不利之我是。諸法中眞空之實相。不因諸法之生而生。不因諸法之滅而滅。不因諸法之垢而垢。不因諸法之淨而淨。不因諸法之增而增。不因諸法之減而減。是故此我卽眞空。眞空卽此我。其眞空中。並無色受想行識。以至無智亦無得。吾人皆欲有所得。殊不知一有所得。則此我爲所得者。蔽之矣。今以無所得。故而眞我獨存。至此遂證菩提薩